

ORANJESTAD/NANJING - Determina pa landa un bon evento, e landado Arubano, Daniella van den Berg a cuminsa cu su competencia den 800m estilo liber. E atleta van den Berg a start den baan number 7 y a cuminsa matora den bon forma na e competencia.

Segun e evento a transcuri, Daniella tabata na posicion number 3 y a mantene esaki pa basta rato, na di 550m y faltando 2 baan mas pa bay, Daniella tabata na di prome luga, cual e momento ey sigur tabata un sorpresa enorme, mirando e liheresa cu e tabata landa. Na final, Daniella van den Berg a logra un di dos luga marcando un tempo nobo di 8:59.38, esaki tabata 13 seconde menos cu su tempo anterior cu tabata 9:12.35.

Mester bisa cu e comentaristanan na China cu tabata transmiti e evento di landamento a elogia e forma con Daniella a landa y kibra su record cu 13 seconde, cual den landamento ta masha hopi mes. E atleta Daniella van den Berg lo mira accion bek diabierna 22 di augustus ora e mester competi den e 400m free. □

Landado ta finalisa como number dos den 800m free

Daniella van den Berg a kibra su record personal cu 13 seconde

